

HEADLINES

- ۱۔ لوک سبھا مانہہ اج عام بجٹ ۵۲۰۲۔۶۲ ور بحث شروع ہوئی۔
- ۲۔ وزیر اعلیٰ عمر عبداللہ نے بجٹ تیں پہلاں مشاورت کی تے کہیو حکومت مشاوی ترقی نانہہ ترجیح دے گی۔
- ۳۔ نائب وزیر اعلیٰ نے یقین دوايو کہ حکومت عوام غی ضروریات نانہہ بہتر تے موثر انداز مانہہ پورو کرے گی۔
- ۴۔ حکومت نے عوامی نمائندگان واسطے ترجیحات تے اصولاں ور زور دتو۔

BUDGET DISCUSSION

لوک سبھا مانہہ اج عام بجٹ ۵۲۰۲۔۶۲ ور بحث شروع ہوئی بحث غو آغاز کرتا واں کانگریس غا درم ویر گاندھی نے الزام لایو کہ مرکزی حکومت غو بجٹ زرعی مشکلات نانہہ حل کرن مانہہ ناکام رہیو ہے۔ انہاں نے کساناں غی کودکشی غو مسلو وی چایو۔ جناب دھرم ویر نے کہیو کہ حکومت غی توجہ نکہ تے درمیانہ درجا غا کاروباری شعبہ ور نہیں ہے تے بجٹ مانہہ ان ضروریات غو خیال نہ رکھیو جاتو۔ کانگریس غا رہنما نے کہیو کہ ملک مانہہ تعلیم کا معیار دن بہ دن مہنگا ہوتا جا رہیا ہیں جس غی وجہ تیں غریب تے پشماندہ طبقہ نانہہ مشکلات غو سامنو کرنو پہ رہیو ہے۔ انہاں نے ملک مانہہ کینسر غا مسئلہ نانہہ حل کرن واسطے مزید اقدامات غو مطالبو کیو۔ تے دوجے پاسے بھارتی جنتا پارٹی غا راؤ راجیندر سنگھ نے مرکزی حکومت غا بجٹ غی تعریف کی تے کہیو اس مانہہ غریباں کساناں تے خواتیناں کا مفادات غو خیال رکھیو گیو ہے انہاں نے کہیو کہ حکومت نے کساناں غی فلاح و بہبود ور توجہ دتی ہے تے اُس مانہہ کئی اقدامات کیا ہیں۔ بجھ اجیں جاری ہے۔

CM PRE BUDGET

جموں کشمیر مرکزی زیر انتظام غا بجٹ تیں پہلاں ایک اہم قدم غا طور ور جموں کشمیر غا وزیر اعلیٰ عمر عبداللہ نے جموں مانہہ عوامی نمائندگان غے نال ملاقات کی اس مشاورات مانہہ قانون سازاں تے ضلع ترقیاتی کونسلان غا چئیر پرسن تے دیگر اہم شخصیات نے شرکت کی جنہاں نے آئیندہ بجٹ واسطے اپنی تجاویز تے خدشات غو اظہار کیو۔ گل بات غو بنیادی مقصد مرکز مانہہ بنیادی ڈھانچہ غی ترقی روز گار غا موقع تے دیہی معشیت نانہہ مستحکم کرنو ہے وزیر اعلیٰ نے یقین دوايو کہ حکومت جامع ترقی نانہہ ترجیح دے گی تے عوامی ضروریات نانہہ موثر طریقہ سنگ پورو کرے گی۔ اجلاس مانہہ موجود حکام نے دسیو کہ ایسا مشاورتی اجلاس بجٹ نانہہ عوام واسطے مفید بنان مانہہ اہم کردار ادا کرے۔

WATERSHED YATRA

پردھان منتری کرسی سنجائی یوجنا ۲ اشاریہ صفر غے تحت شروع کی گئی ملک گیر واٹر شیڈ اج ادھمپور ضلع مانہہ گورنمنٹ ہائی سکول اپر ملہار پُچی جت اس غو استقبال نائب ضلعی کمشنر راجیندر سنگھ تے مشرقی ادھمپور غی اسمبلی رُکن آر ایس پٹھانیہ نے کیو اس موقع ور ضلع ترقیاتی کونسلان کا ممبر پنچایت غا نائب کمشنر تے دیگر ضلعی افسران وی ات موجود تھا، اس پروگرام مانہہ بڑی تعداد مانہہ لوکاں نے شرکت کی جن مانہہ بچہ طلبہ نوجوان تے عوامی معاشرہ کا ارکان شامل تھا۔ اس تقریب نانہہ مزید یاد گار بنان واسطے رنگا رنگ ثقافتی پروگرام وی پیش کیا گیا۔ اس سلسلہ مانہہ گل کرتا واں مشرقی ادھمپور غی اسمبلی رُکن آر ایس پٹھانیہ نے اس طرح کہیو۔

DODA LAL DRAMAN FEST

ضلع انتظامیہ ڈوڈھ آئیندہ پلک سرمائی تہوار لعل درمن گو انعقاد کرا رہی ہے۔ یوہ تہوار ضلع انتظامیہ ڈوڈھ محکمہ سیاحت بھارتیہ فوج تے غیر سرکاری تنظیم تیجس ایک پہل کا اشتراک سنگ منعقد ہو رہیو ہے اس موقع ور ثقافتی پروگرام گائیکاری مقابلہ کھیڈ مقابلان روایی ڈاکو ناچ مقابلان کے علاوہ مقامی بُر کی چیزاں کی وی نمائش کی جے گی۔ تے عوام واسطے فوری طبی کیمپ منعقد کیا جیں گا۔ تقریب غی رونق بدھان واسطے ترنگا غے نال ایک چھنڈی ریلی وی کڈی جے گی۔

SNOW VALLEY BALL

دیہی علاقہ مانہہ کھیڈاں تے طبقاں غی شمولیت نانہہ فروغ دین واسطے مروہ مانہہ دیہی ترقی غا مہکمہ غی ٹیم نے بلاک مروہ مانہہ ایک سنو ویلی بال ٹورنامینٹ غو انعقاد کیو۔ بلاک ترقیاتی آفیسر مروہ شبیر احمد غی رہنمائی مانہہ منعقد ہون آلا اس تقریب مانہہ مقامی ٹیمیں غی پر جوش شرکت دیکھن مانہہ آئی۔ اس دوران ڈاکٹر محمد اشرف ایس۔ ڈی۔ ایم مہمان خصوصی تھا ٹورنامینٹ غو مقصد طبقاں گا جزبہ نانہہ فروغ دین جسمانی تندرستی تے مقامی ہنر نانہہ چمکان واسطے ایک پلیٹ فارم فراہم کرنو تھو۔ اس دوران مقامی نوجواناں نے محکمہ دیہی ترقیات غی کوششاں نانہہ سرہایو تے علاقہ مانہہ مزید ہور کھیڈاں غا مقابلہ نانہہ انعقاد کران غو مطالبو کیو۔

DY CM ARTO NOWSHERA

نائب وزیر اعلیٰ سریندر چودھری نے اج لوکاں غی پلائی بہتری واسطے ضروری خدمات نانہہ یقینی بنان واسطے سرکار غا عزم ور زور پایو۔ نائب وزیر اعلیٰ نیپاہ گل نوشہرہ مانہہ اضافی علاقہ ٹرانسپورٹ کیمپ آفس غی افتتاحی تقریب غا موقع ور کہی۔ کیمپ آفس گو قیام سرحدی سرحدی علاقہ مانہہ نقل و حمل غے متعلق خدمات نانہہ بہتر بنان واسطے ایک قدم ہے۔ اس قدم غو مقصد نوشہرہ تے سندر بنی غا لوکاں نانہہ بوبا ور خدمات فراہم کرنو ہے جنہاں پہلاں ضروری نقل و حمل خدمات واسطے راجوری تک ۰۸ کلو میٹر تو متو سفر کرنو پے تھو۔ تے موثر خدمات گی فراہمی نانہہ یقینی بنان واسطے نواں قائم کردہ کیمپ آفیس ہر سوموار نانہہ گٹیاں گو معائنو کرے غو تے ہر بار نانہہ ڈرائیونگ آزمائشی امتحان وی کراوے غو۔

GAD

محکمہ انتظامیہ نے ایک حکم جاری کیو ہے جس مانہہ تمام سرکاری افسراں نانہہ ہدایت دتی گئی ہے کہ عوامی دفتر تے سرکاری معاملات مانہہ منتخب نمائینداں نانہہ ترجیح دیں آکاشوانی جموں گا نمائیندہ غی رپوٹ غے مطابق یوہ کہیو گیو ہے کہ یہ نمائیندہ نچلی سطح ور حکومت غا اہم حسہ ہیں اس واسطے ان غی گل سنی جے تے ان غا مسلاں گو حل جلدی کڈیو جے حکم گے مطابق تمام سرکاری افسراں نانہہ چاہئے جے وے منتخب نمائینداں گی درخواست تے چکایت نانہہ سنجیدگی تیں سنیں تے فوری کاروائی کریں تے مزید کہیو کہ سرکاری تقریبات تے اجلاس مانہہ ان نمائینداں نانہہ لازمی طور ور بلایو جے۔

REASI RALLY

اج ریاسی مانہہ خصوصی طور ور معزز افراد غی طرفوں ایک شاندار ریلی غو انعقاد کیو گیو جس مانہہ اُن نے عزم لچک تے شمولیت غ اجزبہ غو مظاہرو کیو اس تقریب غو مقصد ایک جامع معاشرہ نانہہ فروغ دینا وں مختلف معزز افراد غا حقوق تے صلاحیتاں غا بارہ مانہہ آگاہی پھیلاو تھو ایڈیشنل ضلع ترقیاتی کمشنر ریاسی سکھدیو سنگھ سمیال اس موقع ور مہمان خصوصی تھا۔ اس دہلی مانہہ ہر عمر غا افراد سماجی کارکن تے طبقہ غا ارکان غی پُر جوش شرکت دیکھن مانہہ آئی تقریب غو اختتام ضلع مانہہ خصوصی طور ور معزز افراد واسطے مزید جامع تے دوستانہ ماحول واسطے کام جاری رکھن غے عہد غینال ہویو۔ اس بارے گل کرتا وں ایڈیشنل ضلع ترقیاتی کمشنر ریاسی سکھ دیو سنگھ سمیال نے اس طرح کہیو۔

MILLET

محکمہ زراعت ادھمپور غی طرفوں مختلف سکولان مانہہ جوار تے غزائی اناج نانہہ فروغ دین غا اقدام غے تحت ایک روزہ جوار بیداری پروگرام غو انعقاد کیو گیو جس مانہہ باجرہ غو آٹو تقسیم کیو گیو تے طالب علماں نانہہ باجرہ غا غزائی فائیدہ بارے آگاہ کیو گیو اس تقریب غو اہتمام مجموعی زرعی ترقیاتی پروگرام غے تحت کیو گیو تھو۔ اس بارے اسٹینٹ سائیل کیمسٹ ضلع آفیسر ادھمپور سونیل گپتا نے اس طرح کہیو۔
